



Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

Broj: **05-036-10<sup>0</sup> /19**  
Sarajevo, 06.08.2019. godine

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine («Sl. glasnik BiH» br.39/14), nakon provedenog Konkurentskog postupka javne nabavke roba, a na osnovu Preporuke komisije za javne nabavke broj 03-033-598/19 od 22.07.2019.godine i Izvještaja Komisije za javnu nabavku, Direktor Zavoda za izgradnju Kantona Sarajevo **d o n o s i**

### **ODLUKU**

o izboru najpovoljnijeg ponuđača

1. Dodjeljuje se ugovor za „**Izgradnja zaobilaznog čeličnog gasovoda pritiska  $p = 8$  (14,5) bar u ulici Kolodvorska, Općina Novo Sarajevo za potrebe izgradnje objekta podzemne garaže G3**“ ponuđaču „**Mibral**“ d.o.o. Sarajevo obzirom da je podnio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
2. Ova Odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.
3. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke zajedno sa Zapisnikom o ocjeni ponuda, u skladu sa članom 71.stav (2) Zakona o javnim nabavkama BiH.

### **O b r a z l o ž e n j e**


Na osnovu Odluke o pokretanju postupka javnog nadmetanja broj: 05-036-171/19 od 17.07.2019.godine, Zavod za izgradnju Kantona Sarajevo je pokrenuo konkurentski zahtjev za dostavu ponuda, pripremio tendersku dokumentaciju, i objavio Obavještenje o nabavci broj: 285-7-3-41-3-53/19 na Portalu javnih nabavki i objavio tendersku dokumentaciju za „**Izgradnja zaobilaznog čeličnog gasovoda pritiska  $p = 8$  (14,5) bar u ulici Kolodvorska, Općina Novo Sarajevo, za potrebe izgradnje objekta podzemne garaže G3**“ na portalu javnih nabavki, u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15).

Ugovorni organ je istovremeno uputio poziv za učešće u javnom nadmetanju na 3 (tri) adrese potencijalnih ponuđača: „Mibral“ d.o.o. Sarajevo, "UNIS FAGAS" d.o.o. Sarajevo i „Džekos“ d.o.o. Sarajevo.

Iz Izvještaja o preuzimanju tenderske dokumentacije od strane ponuđača, koji je sastavni dio ovog Izvještaja Komisije za javne nabavke, evidentno je da je tendersku dokumentaciju preuzelo 8 (osam) ponuđača i koji ponuđači su preuzeli predmetnu tendersku dokumentaciju.

Iz Izvještaja Komisije i Zapisnika o ocjeni ponuda je vidljivo da se Komisija sastala dana 01.08.2019.godine, radi preuzimanja i otvaranja ponuda za „**Izgradnja zaobilaznog čeličnog gasovoda**





Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

**pritiska p = 8 (14,5) bar u ulici Kolodvorska, Općina Novo Sarajevo, za potrebe izgradnje objekta podzemne garaže G3**, koju je podnio ponuđač „Mibral“ d.o.o. Sarajevo.

Komisija je otvorila ponudu ponuđača i iz „Obrasca za cijenu ponude“ i „Obrazca za ponudu“ pročitala ponuđenu cijenu ponuda, dok je rok izvođenja radova, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala. Na otvaranju ponuda nije bilo ovlaštenih predstavnika ponuđača.

Komisija je odmah nakon otvaranja ponude dana 01.08.2019. pristupila pregledu priloga iz dostavljene ponude, odnosno da bi utvrdila da li je ponuđač ispunio uslove iz člana 45. do 49. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuću ponudu u skladu sa zahtjevima iz tenderske dokumentacije i da li su kvalifikovani za vršenje predmetnih usluga.

Komisija je konstatovala slijedeće:

- Ponuđač „**Mibral**“ d.o.o. Sarajevo je dostavio tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12.1, 13.1 i 13. 2 tenderske dokumentacije i dostavio sve potrebne dokumente u skladu sa tačkom 14. Tenderske dokumentacije, pa je ponuda ponuđača „Mibral“ d.o.o. Sarajevo **prihvaćena**.

Nakon izvršene računске kontrole prihvaćene ponude, Komisija je konstatovala da je prihvaćeni ponuđač dostavio računski tačnu ponudu.

Komisija je u skladu sa članom 64. stav (1) tačka b) Zakona o javnim nabavkama BiH („Službeni glasnik BiH br.39/14) po kriteriju najniža cijena tehnički zadovoljavajuće ponude sačinila redosljed prihvaćenih ponuda po osnovu cijena sa PDV-om:

**1. „MIBRAL“ d.o.o. Sarajevo .....87.362,52 KM**

Komisija predlaže ugovornom organu da se u skladu sa članom 64. stav (1) tačka b) Zakona o javnim nabavkama BiH („Službeni glasnik BiH br.39/14) **dodijeli** ugovor za „**Izgradnja zaobilaznog čeličnog gasovoda pritiska p = 8 (14,5) bar u ulici Kolodvorska, Općina Novo Sarajevo, za potrebe izgradnje objekta podzemne garaže G3**“, ponuđaču „Mibral“ d.o.o. Sarajevo pod rednim brojem 1, obzirom da je u Konkurentskom postupku ponudio najnižu tehnički zadovoljavajuću ponudu. Komisija je sačinila Zapisnik o ocjeni i pregledu ponuda br. 03-033-597/19 od 01.08.2019.godine koji je sastavni dio ove Odluke.

Shodno navedenom odlučeno je kao u dispozitivu.

**POUKA O PRAVNOM LIJEKU:**

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 800,00 KM i podnosi se Uredu za razmatranje žalbi.

**PO OVLAŠTENJU DIREKTOR-a:**

Sadeta Kastrat, dipl.eco

**DOSTAVITI:**

1. „Mibral“ d.o.o fax 033/656-680
2. a/a

